



Broj: 20-07-16-4-1399-49/15
Datum: 17.09.2015 godine

Na osnovu člana 61. stav (2) Zakona o upravi ("Službeni glasnik BiH", br. 32/02 i 102/09), člana 8. Zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine ("Službeni glasnik BiH", broj 36/08), člana 25. i 70. Zakona o javnim nabavkama Bosne i Hercegovine ("Službeni glasnik BiH", broj 39/14), a na osnovu preporuke Komisije za javne nabavke iz Zapisnika o pregledu i ocjeni ponuda broj 20-16-4-1399- 48 /15 od 17.09.2015. godine, direktor Direkcije za koordinaciju policijskih tijela Bosne i Hercegovine, donosi:

O D L U K U

o dodjeli ugovora u postupku javne nabavke

1. Ponudaču „Recro net“ d.o.o., Sarajevo, ul. Tešanjaska 28b, sa ukupnom cijenom ponude od 18.077,47 KM bez PDV-a, dodjeljuje se ugovor o nabavci robe-kompjuterske opreme za LOT 2, Switch.

2. Izabrani ponuđač iz tačke 1. ove Odluke dužan je dostaviti ugovornom organu u roku od pet dana od dana zaprimanja obavještenja o rezultatima ovog postupka javne nabavke dokaze o ispunjenosti uslova lične sposobnosti u skladu sa tačkom 12. podtačka 12.1. tenderske dokumentacije.

3. Po pravosnažnosti ove Odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i propisima koji regulišu postupke ugovaranja.

O b r a z l o ž e n j e

Direkcija za koordinaciju policijskih tijela Bosne i Hercegovine (u daljem tekstu: Direkcija) provela je postupak javne nabavke robe kompjuterska oprema u otvorenom postupku postupku javne nabavke, objavljeno u „Službenom glasniku BiH“, broj 68/15 od 20.08.2015. godine.

Iz Zapisnika o pregledu i ocjeni ponuda Komisije za javne nabavke broj 20-16-4-1399- 48 /15 od 17.09.2015. godine (u daljem tekstu: Zapisnik Komisije za javne nabavke) proizilazi da su u predmetni postupak nabavke za LOT 1, ponude dostavili sljedeći ponuđači: „Ocean“ d.o.o., Travnik, „Comp IT“ d.o.o., Sarajevo, „Comp 2000“ d.o.o., Sarajevo, „Recro net“ d.o.o., Sarajevo, „Cosim Systems“ d.o.o., Banja Luka i „Mibo Komunikacije“ d.o.o., Sarajevo.

Analizom pristigle ponude, Direkcija je utvrdila sljedeće:

Ponuda ponuđača „Ocean“ d.o.o., Travnik nije prihvatljiva za ugovorni organ, te ista ne može biti predmet vrednovanja u smislu najniže cijene tehnički zadovoljavajuće ponude, obzirom da ista nije u skladu sa tačkom 9.TD. Naime, ovaj ponuđač ponudio je tehničku specifikaciju robe, ali ista ne zadovoljava u pogledu garantnog roka kod Switch 10/100, Switch 10/100/1000 i Switch L3, obzirom da je garantni rok dat u ponudi iznosi 12 mjeseci, što nije u skladu sa tačkom 9. TD gdje su garantni rokovi roka kod Switch 10/100, Switch 10/100/1000-minimalno 5 godina.

Ponuda ponuđača „Comp IT“ d.o.o., Sarajevo i ponuda ponuđača „Comp 2000“ d.o.o., Sarajevo nisu prihvatljive za ugovorni organ, te iste ne mogu biti predmet vrednovanja u smislu najniže cijene tehnički zadovoljavajuće ponude, obzirom da iste nisu u skladu sa tačkom 13. podtačka c) i e) TD. Naime, ovi ponuđači nisu u svojoj ponudi naveli popis dokumenata uz ponudu, niti je ovjerena pečatom podnosioca ponude.

Ponuda ponuđača „Mibo Komunikacije“ d.o.o., Sarajevo i ponuda ponuđača „Cosim Systems“ d.o.o., Banja Luka nisu prihvatljive za ugovorni organ, te iste ne mogu biti predmet vrednovanja u smislu najniže cijene tehnički zadovoljavajuće ponude, obzirom da iste nisu u skladu sa tačkom f) TD i 17 TD.

Naime, ponuđači nisu popunili Obrazac za cijenu ponude u skladu sa svim zahtjevima koji su definisani TD.

Ponuda ponuđača „Recro net“ d.o.o., Sarajevo je prihvatljiva za ugovorni organ, te ista može biti predmet vrednovanja u smislu najniže cijene tehnički zadovoljavajuće ponude.

Na osnovu gore navedenog, ugovorni organ zaključuje da je samo jedna ponuda prihvatljiva za ugovorni organ, jer je ponuđač ispunio zahtjeve ugovornog organa propisane TD i može biti predmet vrednovanja u smislu najniže cijene tehnički zadovoljavajuće ponude, te je utvrđena sljedeća rang lista za Lot 2:

1. „Recro net“ d.o.o., Sarajevo, ul. Tešanjaska 28b, sa ukupnom cijenom ponude od 18.077,47 KM bez PDV-a.

Komisija za javne nabavke je na osnovu svega navedenog dala preporuku da se postupak nabavke robe kompjuterske opreme za LOT2, okonča u skladu sa članom 25, a u vezi sa članom 70. Zakona o javnim nabavkama Bosne i Hercegovine (“Službeni glasnik BiH“, broj 39/14) donošenjem Odluke o dodjeli ugovora ponuđaču: „Recro net“ d.o.o., Sarajevo, ul. Tešanjaska 28b, sa ukupnom cijenom ponude od 18.077,47 KM bez PDV-a.

Uvažavajući preporuku Komisije za javne nabavke, odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi Bosne i Hercegovine, putem Direkcije za koordinaciju policijskih tijela Bosne i Hercegovine, u pisanoj formi u tri primjerka, neposredno, elektronskim putem-fax ili preporučeno poštanskom pošiljkom, u roku od 10 dana od dana prijema Odluke.

DIREKTOR
GLAVNI GENERALNI INSPEKTOR POLICIJE

Mirsad Vilić

Dostaviti:
-ponuđačima;
- a/a.